

ՀԱՅԿԱԿԱՆ ԿԵՆՍԱՔԻՄԻԱԿԱՆ ԴՊՐՈՑԻ ՀԻՄՆԱԴԻՐԸ

ՀՀ ԳԱՍ ակադեմիկոս Հ. Խ. Բունիաթյանի ծննդյան 100-ամյակի առթիվ



Լրացավ Հայկական կենսաքիմիական դպրոցի հիմնադիր, ակադեմիկոս գիտնական ու մանկավարժ, ՀՀ ԳԱՍ ակադեմիկոս, գիտության վաստակավոր գործիչ, պրոֆեսոր Հրաչյա Խաչատուրի Բունիաթյանի ծննդյան 100 - ամյակը:

Հ. Բունիաթյանը ծնվել է 1907 թ. մայիսի 1-ին Նոր-Բայազետում (այժմ՝ ք. Գավառ): Սկզբնական կրթությունը ստացել է հայրենի քաղաքում: Այնուհետև տեղափոխվել է Երևան, ավարտել է Խ. Արշակունի անվան միջնակարգ դպրոցը, Երևանի պետական համալսարանի բժշկական ֆակուլտետը և սկսել է աշխատել որպես կենսաքիմիայի ամբիոնի ասիստենտ: Այնուհետև ղեկավարել է Երևանի Անասնաբուժական-անասնաբուժական և ավելի քան երկու տասնամյակ՝ բժշկական ինստիտուտի կենսաքիմիայի ամբիոնը: 1939-ից մինչև 1941 թ. Հ. Բունիաթյանը Երևանի բժշկական ինստիտուտի տնօրենի գիտության գծով տեղակալն էր: 1942-46-ին աշխատել է որպես Երևանի պետական համալսարանի ռեկտոր, օգտագործելով իր ողջ ունակությունները, գիտնականի ու մանկավար-

ժի կազմակերպական տաղանդը այդ ուսումնական հաստատության ամրապնդման և հետագա զարգացման համար: Հայաստանի Գիտությունների ակադեմիայի կազմավորման հենց սկզբից նա ընտրվում է ակադեմիայի իսկական անդամ և կենսաբանական գիտությունների բաժանմունքի ակադեմիկոս-քարտուղար: Այնուհետև ընտրվում է ակադեմիայի ակադեմիկոս-քարտուղարի և ապա փոխպրեզիդենտի պաշտոններում: 1943 թվականից ակադեմիկոս Հ. Բունիաթյանը միաժամանակ ղեկավարում էր ՀՀ ԳԱՍ Լ. Օրբելու անվան ֆիզիոլոգիայի ինստիտուտի կենսաքիմիայի սեկտորը, իսկ 1961-ից մինչև իր կյանքի վերջը՝ հանդիսանում էր իր կողմից հիմնադրված ՀՀ ԳԱՍ կենսաքիմիայի ինստիտուտի (որը կրում է նրա անունը) տնօրենը: Կարճատև ժամանակամիջոցում ինստիտուտն աճելով վերածվեց նյարդաքիմիական խոշոր կենտրոնի և լայն ճանաչում ստացավ ոչ միայն Խորհրդային Միությունում, այլ նաև ամբողջ աշխարհում:

Մեր հանրապետությունում նա առաջինը, պրոֆեսոր Հ. Հովհաննիսյանի հետ միասին, ձեռնամուխ եղավ վիտամինների կենսաքիմիայի հետազոտությանը: Այդ աշխատանքներով բացահայտվեց ասկորբինաթթվի հակաօքսիդանտային հատկությունը: Պարզվեց, որ ֆոսֆոր պարունակող մի շարք ճարպանման նյութեր կարող են նպաստել հյուսվածքներում օքսիդացման պրոցեսին և, ընդհակառակը, կանխել այն: Հ. Բունիաթյանը մշակում է օրգանիզմում ասկորբինաթթվի փոխանակության նյարդաախուժող կարգավորման պրոբլեմը: Այդ պրոցեսի նյարդաախուժող և, հատկապես, ռեֆլեկտոր կարգավորման մեխանիզմի պարզաբանումը մեծապես նպաստեց օրգանիզմում ընդհանուր նյութափոխանակության և ուղեղի ֆունկցիոնալ կենսաբանության զարգացմանը:

Հ. Բունիաթյանը և նրա աշակերտները ուշագրավ հետազոտություններ են կատարել էներգետիկ և ազոտային փոխանակության կարևորագույն ռեակցիաներում գլխավոր դեր

ապաստան ակտիվ միացություններից մեկի՝ գամ-
-ամիմոկարագաթթվի և դրա ածանցյալների
կենսաքիմիական դերի, ինչպես նաև նյութերի
բյուրեղանկության նյարդահումորալ կարգավոր-
ման պարզաբանման ուղղությամբ: Առաջին ան-
գամ ցույց տրվեց, որ այդ միացության ազդեցու-
թյամբ բարձրանում է բջջային թաղանթների
պերմանցելիությունը ոչ միայն առանձին իոն-
ների, այլև գլյուկոզայի, ամինաթթուների և մի-
արք այլ նյութերի նկատմամբ: Այսպես, որ
դրա միացությունը գլխուղեղից բացի գոյանում
մնալ այլ օրգաններում, որը հետագայում իր
առատատուով ստացավ արտասահմանյան
բաղադրանքների աշխատանքներում: Կատարված
առատազոտությունների հիման վրա Հ. Բունիաթ-
յանը եկավ այն եզրակացության, որ գամմա-
-ամիմոկարագաթթուն լինելով թաղանթային
պերմանցելի միացություն, կարևոր ֆունկցիա է կա-
տարում գլխուղեղի, ինչպես նաև ամբողջ օրգա-
նիզմի հոմեոստազում:

Ակադեմիկոս Հ. Բունիաթյանի անմիջական
անսնակցությամբ ու ղեկավարությամբ ԳԱԱ
Կենսաքիմիայի ինստիտուտում ժամանակակից
արժույթով մակարդակով կատարված աշխատանք-
ները լայն ճանաչում են գտել ինչպես մեր երկ-
րում, այնպես էլ արտասահմանում: Ձգալի հա-
ղողություններ են ձեռք բերվել ուղեղի հյուսված-
քի կենսաքիմիական մի շարք մուրթ մեխանիզմ-
ների բացահայտման և ստացված արդյունքները
էմբրիոնալ մեջ ներդնելու ուղղությամբ:

Ակադեմիկոս Հ. Բունիաթյանը կարևոր ներ-
դրում ունի մեր հանրապետությունում երիտա-
սարդ գիտական կադրերի պատրաստման
որոշում և հիմնական հանդիսանում է Հայկական
Կենսաքիմիական դպրոցի հիմնադիրն ու
ղեկավարը: Նրա ղեկավարությամբ ավելի քան
100 գիտական աշխատողներ պաշտպանել են
էկոնոմիկական ու դոկտորական թեզեր: Նրա
ընդհանուր է պատկանում ավելի քան 250 գիտական
աշխատանք ու մեմորանդում: Նա կենսաքի-
միայի ինստիտուտի կողմից լույս ընծայվող
«Ռեզուլտի կենսաքիմիայի հարցեր» գիտական
հոդվածների խմբագիրն էր: Ռուսաստանի
Կենսաքիմիայի Գիտությունների ակադեմիայի և
ՀՀ ԳԱԱ «Նեյրոքիմիա» հանդեսի ստեղծումը
և ակադեմիկոս Հ. Բունիաթյանի և նրա կողմից
ղեկավարած կենսաքիմիկոսների ծառայության
ակնհայտ գնահատումն էր, որոնք նշանակալի
ներդրում ունեն նյարդաքիմիայի մի շարք կա-

ռնոր ուղղությունների զարգացման ասպարե-
զում:

Բեղմնավոր էր նաև ակադեմիկոս Հ. Բու-
նիաթյանի հասարակական գործունեությունը:
Երկար տարիներ նա ղեկավարել է հանրապե-
տության ֆիզիոլոգների, կենսաքիմիկոսների և
դեղաբանների, այնուհետև կենսաքիմիկոսների
ընկերությունները: Նա ակտիվորեն մասնակցել
է միջազգային կենսաքիմիական մի շարք կոնգ-
րեսների ու գիտաժողովների աշխատանքներին:
Ակադեմիկոս Հ. Բունիաթյանը գիտության նշա-
նավոր կազմակերպիչ էր: Նա աչքի էր ընկնում
գիտության տարբեր բնագավառներին և մշա-
կույթին վերաբերող հանրագիտարանային գի-
տելիքներով, հսկայական աշխատասիրու-
թյամբ, որոնք ներդաշնակորեն զուգակցվում էին
սկզբունքայնությամբ և պահանջկոտությամբ իր
և իր աշակերտների նկատմամբ, զգալուն ու
հոգատար վերաբերմունքով դեպի գիտական
աշխատողները և, հատկապես, երիտասարդ-
ները:

Հ. Բունիաթյանը ոչ միայն խոշոր գիտնական
էր, այլև հիմնալի մանկավարժ: Կենսաքիմիայի
վերաբերյալ նրա դասախոսությունները Երևա-
նի պետական համալսարանի, Բժշկական և
Անասնաբուծական-անասնաբուծական ինստի-
տուտների ուսանողների համար միշտ աչքի էին
ընկնում իրենց կոտ շարադրանքով, գիտական
տրամաբանությամբ, հետաքրքրությամբ և խո-
րությամբ: Մեր հանրապետությունում աշխա-
տող շատ պլուրիտներ, գիտության ղոկողներ
ու թեկնածուներ, տարբեր լաբորատորիաների
և գիտական հիմնարկությունների ղեկավարներ
հանդիսանում են Հ. Բունիաթյանի աշակերտ-
ները: Այդ կարևոր հանգամանքը նրան բնու-
թագրում է որպես բազմահմուտ մանկավարժի
և գիտնականի: Օժտված լինելով մեծ խորագի-
տությամբ ու ներքին կուլտուրայով, զուգակցված
բացառիկ համեստությամբ, Հ. Բունիաթյանը
հիմնական վայելում էր իր աշակերտների ու բարե-
կամների խոր հարգանքն ու սերը:

Ականավոր գիտնականի ու մանկավարժի,
մարդու և քաղաքացու՝ ակադեմիկոս Հրաչյա
Խաչատուրի Բունիաթյանի կերպարը վառ օրի-
նակ կարող է ծառայել երիտասարդ սերնդի գիտ-
նականների համար:

Ա. ՄԻՍՈՆՅԱՆ

ՀՀ ԳԱԱ Հ. Բունիաթյանի անվան կենսաքիմիայի
ինստիտուտի լաբորատորիայի վարիչ, պրոֆեսոր